



Nr. 1645/1 prot.



REPUBLIKA E SHQIPËRISË

UNIVERSITETI I ELBASANIT "ALEKSANDËR XHUVANI"
BORDI I ADMINISTRIMIT

Elbasan, me 29.06.2023

VENDIM

Nr. 22, datë 29.06.2023

Për

**nivelin e pagave të personelit administrativ dhe ndihmësakademik të Universitetit të Elbasanit
"Aleksandër Xhuvani"**

Në zbatim të ligjit nr. 80/2015 datë 22.07.2015 "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë, ligjit nr. 9936 datë 26.06.2008 " Për menaxhimin e sistemit buxhetor në Republikën e Shqipërisë, ligjit nr. 84/2022 "Për buxhetin e vitit 2023", si dhe të Udhëzimit nr. 9, datë 20.3.2018 "Për procedurat standarde të zbatimit të buxhetit", të ndryshuar; VKM Nr. 325, date 31.05.2023 , "Për miratimin e strukturës dhe të nieleve të pagave të nëpunësve civile /nëpunësve, zëvendësministrit dhe nëpunësve të kabineteve në disa institucione të administratës publike"; VKM Nr. 326, date 31.05.2023 , " Për pagat e punonjësve mbështetës të institucioneve buxhetore dhe të nëpunësve të disa institucioneve buxhetore" lidhja I; Udhëzimit të MFE Nr. 16, datë 16.06.2023, "Për mënyrën e zbatimit të Vendimit të Këshillit të Ministrave "Për miratimin e strukturës dhe të nieleve të pagave të nëpunësve civile / nëpunësve, zëvendësministrit dhe nëpunësve të kabineteve në disa institucione të administratës publike"; VBA nr 49 datë 13.11.2021 "Për miratimin e numrit te personelit dhe pagat per te gjitha nivelet në Universitetine Elbasanit 'Aleksandër Xhuvani'", Vendimit të Senatit Akademik Nr. 04 , datë 17.03.2023 "Për miratimin e planbuxhetit vjetor 2023", Vendimit të Bordit të Administrimit Nr. 10 , datë 24.04.2023 "Për miratimin e planbuxhetit vjetor 2023" të Universitetit të Elbasanit "Aleksandër Xhuvani", të ndryshuar, Bordi i Administrimit,

VENDOSI:

1. Miratimin e nivelit të pagave të personelit administrativ dhe ndihmësakademik të Universitetit të Elbasanit "Aleksandër Xhuvani", sipas rekomandimit të MFE-së, referuar VKM-s Nr. 325, date 31.05.2023 , "Për miratimin e strukturës dhe të nieleve të pagave të nëpunësve civile /nëpunësve, zëvendësministrit dhe nëpunësve të kabineteve në disa institucione të administratës publike " lidhja 1), 2), 3), si dhe strukturës organizative të pozicioneve ekzistuese të punës duke i përshtatur me nivele të ngjashme në lidhje të ndryshme të VKM-s sipër cituar, por edhe hierarkisë së pozicionit të punës, sipas përcaktimeve të lidhjes 1).
 - 1.1. Klasa e pagës, niveli i pagës dhe niveli i kualifikimit të pozicionit "Tabela nr. 1", me përshkrimet e pozicioneve si më poshtë:
 - a. Pozicioni nr.1 - "Administrator i Universitetit", të përfshihet në kategorinë "E lartë drejtuese" lidhja nr. 1, klasa I-5, titullar administrativ i institucionit, pasi në ligjin nr. 80/2015 datë 22.07.2015 "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë, neni nr 51, pika 1) përcaktohet: "Administratori është autoriteti më i lartë administrativ dhe përgjegjës për mirëfunksionimin financiar të institucionit. Ai është përfaqësues ligjor i

institucionit të arsimit të lartë për çështjet financiare dhe administrative, sipas përcaktimeve të këtij ligji.” Vendosija në këtë nivel page e Administratorit të Universitetit është e tillë që nga përlllogaritjet paga bruto e tij nuk duhet të jetë më e lartë se paga bruto e titullarit kryesor të institucionit (Rektorit të Universitetit).

- b. Pozicioni nr. 2 - “Drejtor drejtorie”, të përfshihet në kategorinë “E mesme drejtuese” lidhja nr. 1, klasa II-2, pasi këto drejtori janë sipas strukturës në Rektorat dhe kanë përgjegjësi për tërë aktivitetin e institucionit, ndërsa bazuar në VKM-n nr. 325, datë 31.05.2023 lidhja nr. 3, pika nr. 5, ç)/IV, masa e shtesës për kushte pune (natyrë të vecantë pune) është 10,000 lekë në muaj për pozicionin “Drejtor drejtorie” me funksion të nëpunësit zbatues, sipas legjislacionit të menaxhimit buxhetor e financiar.
- c. Pozicioni nr.3 - “Përgjegjës sektori”, të përfshihet në kategorinë “E ulët drejtuese” lidhja nr. 1, klasa III-1/ klasa III-2, duke i ndarë:
- Në nivelin e klasës III-1, të përfshihen sektorët në Rektorat, që kanë nivel më të lartë drejtimi, të cilat janë me rëndësi të veçantë, puna e të cilave ndikon në hartimin dhe zbatimin e politikave të strategjisë së institucionit.
 - Në nivelin e klasës III-2, të përfshihen sektorët në Fakultet, të cilët ngarkesa e punës është më specifike me ndikim jo të drejtpërdrejtë në politikat e strategjisë së institucionit, janë të karakterit mësimor ose mbështetës.
- d. Pozicioni nr. 4, të përfshihet në kategorinë “Ekzekutive” lidhja nr. 1, klasa IV-1, duke i ndarë në:
- “Specialist i nivelit të lartë (në bazën e të dhënave SIFQ/ AFMIS/ TAP/ APP/ EMS-UNIEL)”, të përfshihen specialistët e nivelit të lartë zbatues, që punën e kanë të lidhur me bazën e të dhënave kombëtare SIFQ/ AFMIS/ TAP/APP, ose institucionale EMS-UNIEL, të cilët kanë përgjegjësi në hedhjen e të dhënave, përpunojnë të dhëna dhe printojnë informacione nga këto sisteme në përputhje me aktet nënligjore.
 - “Kryesekretare mësimore”, të përfshihen kryesekretaret mësimore, pasi kanë përgjegjësi direkte në hedhjen e të dhënave të procesit akademik dhe përgatisin informacione për strukturat në fakultet dhe është një pozicion pune në statutin e UE-së.
 - “Kryebibliotekar” të përfshihet pozicioni kryebibliotekar në Bibliotekën qendrore të UE-së.
 - “Specialist me grada e tituj”, të përfshihen pozicionet e specialistëve zbatues të cilët kanë grada shkencore ose kualifikim specifik për pajisje teknike që kërkojnë kualifikim të tillë.
- e. Pozicioni nr. 5, të përfshihet në kategorinë “Ekzekutive” lidhja nr. 1, klasa IV-2, duke i ndarë në:
- “Specialist i nivelit të mesëm”, të përfshihen specialistët zbatues i nivelit të mesëm të pozicioneve të ndryshme të punës në universitet të cilët punojnë në të gjitha njësitë/ drejtoritë apo sektorë të ndryshëm të aktivitetit ndihmës akademik e administrativ.
 - “Specialist i teknikës në laborator”, të përfshihen specialistët e teknikës na laboratorët kërkimor apo mësimor në fakultete.
 - “Specialist portokoll/arkive në Rektorat”, të përfshihen specialistët e portokoll/arkive në Rektorat.
 - “Specialist IT në Rektorat”, të përfshihen specialistët të IT në Rektorat.
 - “Specialist i vlerave materiale e monetare/ banka e të ardhurave me Thesarin” të përfshihet specialisti i vlerave materiale e monetare që punon dhe me bankën e të ardhurave me Thesarin.
 - “Specialist/ laborant në laboratorin kërkimor shkencor FSHN”, të përfshihen specialistët në pozicionin e laborantëve të laboratorit shkencor, të cilët janë specialistë të specialiteteve të ndryshme dhe kryejnë procese të analizve laboratorike me pajisje të akredituara nga institucione ndërkombëtare.
 - “Bibliotekar në bibliotekën qendrore”, “Bibliotekar arkivist në bibliotekën qendrore”, “Klasifikator në bibliotekën qendrore””, të përfshihen pozicionet e bibliotekarit, bibliotekar arkivist dhe klasifikatorit në bibliotekën qendrore.
- f. Pozicioni nr. 6, të përfshihet në kategorinë “Ekzekutive” klasa IV-3, lidhja nr. 1, duke i ndarë në:
- “Sekretar mësimor”, të përfshihen sekretaret mësimor në sekretaritë mësimore në universitet.
 - “Specialist portokoll/arkive në Fakultet”, të përfshihen specialistët e portokoll/arkive në fakultet.